



PANDUAN PERMOHONAN

SKIM BARANG GUNAAN



PENSIJILAN HALAL MALAYSIA
(domestik)





TAKRIFAN SKIM

Skim produk barang guna bermaksud skim pensijilan produk siap dan/ atau separa siap yang memberi manfaat kepada pengguna selain daripada produk makanan dan minuman, kosmetik, farmaseutikal atau peranti perubatan dan memenuhi kriteria ditetapkan oleh pihak berkuasa berwajib

SYARAT DAN KRITERIA PERMOHONAN

- Memiliki Perakuan Pendaftaran Perniagaan yang masih sah daripada SSM atau Perakuan Pendaftaran Koperasi di bawah SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan
- Memiliki lesen atau kelulusan daripada PBT atau surat pengesahan atau surat sokongan yang masih sah daripada mana-mana agensi Kerajaan
- Beroperasi sepenuhnya sekurang-kurangnya 3 bulan sebelum membuat permohonan SPHM bagi permohonan baharu
- Beroperasi sepenuhnya sekurang-kurangnya 1 bulan di premis baharu bagi syarikat yang berpindah lokasi
- Mengeluarkan atau mengendalikan produk halal sahaja termasuklah produk dagangan (*trading product*) serta mematuhi piawaian halal yang ditetapkan
- Membuat permohonan SPHM ke atas semua jenis produk yang masih dihasilkan di premis berkenaan
- Mengemukakan sijil halal yang diiktiraf dan masih sah laku bagi permohonan pembungkusan semula produk, atau mengemukakan dokumen sokongan yang jelas menyatakan sumber bahan (bagi bahan semula jadi sahaja)
- Nama syarikat, produk, ramuan dan jenama produk yang dimohon hendaklah tidak menggunakan pernyataan 'halal' atau sebarang representasi atau diperihalkan dengan cara lain untuk menunjukkan ia boleh digunakan oleh orang Islam

TIDAK LAYAK MEMOHON

- Produk yang tidak halal
- Syarikat yang mengeluarkan atau mengedar produk halal dan tidak halal
- Penggunaan jenama yang sama bagi produk halal dan tidak halal (tertakluk kepada pemakaian di Malaysia)
- Tidak memiliki standard atau garis panduan untuk dijadikan rujukan
- Produk yang memberi implikasi negatif terhadap agama dan sosial seperti dadah, shisha, rokok, pewarna rambut dan pewarna kuku
- Produk semulajadi yang tidak diproses, tidak diubahsuai serta tiada pembungkusan dan pelabelan digunakan seperti ikan segar, sayur-sayuran segar dan telur segar
- Penggunaan nama syarikat, produk dan jenama yang merujuk kepada produk tidak halal atau sinonim atau menyerupai dengan produk tidak halal atau apa-apa istilah mengelirukan seperti *ham*, *bak kut teh*, *bacon*, *beer*, *rum*, *hot dog*, *charsiew* dan seumpama dengannya
- Produk siap dalam dan luar negara yang dilabel semula tanpa menjalani sebarang proses di Malaysia
- Produk di peringkat awal R & D yang masih belum sedia dikomersilkan
- Produk yang boleh membawa kepada penyelewengan akidah, perkara khurafat dan penipuan
- Produk yang tidak ada keperluan untuk dipersijilkan halal dan boleh menimbulkan kekeliruan sekiranya dipersijilkan halal seperti baja, kertas, simen, jubin, racun serangga, dan permaidani

PEMROSESAN

Setiap permohonan di bawah Pensijilan Halal Malaysia (Domestik) dikenakan bayaran fi sebanyak **RM20.00** sahaja

BAYARAN FI MENGIKUT KATEGORI INDUSTRI

Setiap permohonan baharu dan pembaharuan akan dikenakan bayaran fi berikut :

KATEGORI		FI (RM)
INDUSTRI	NILAI PEROLEHAN TAHUNAN	
Mikro	< RM300,000.00	200
Kecil	RM300,000.00 - RM15 Juta	800
Sederhana	RM15 Juta - RM50 Juta	1400
Besar	> RM50 Juta	2000

PENGECUALIAN

MUIS berkuasa mengecualikan bayaran fi bagi mana-mana permohonan yang diuruskan sepenuhnya oleh mana-mana agensi kerajaan

KAEDAH PEMBAYARAN

- Syarikat/pemohon hendaklah membuat bayaran dalam tempoh **14 hari bekerja** setelah menerima surat caj melalui sistem MYeHALAL
- Kaedah pembayaran fi hendaklah dilakukan secara bayaran dalam talian (*online payment*), *QR Code* dan cek sahaja
- Pembayaran fi hendaklah dibuat atas nama Tetuan Majlis Ugama Islam Sabah
- Setiap pembayaran fi yang telah dijelaskan hendaklah dikeluarkan resit bayaran dan dikemukakan kepada MUIS
- Fi yang telah dibayar tidak akan dikembalikan dan tidak boleh dipindahkan ke permohonan lain
- MUIS berkuasa mengenakan fi tambahan sekiranya maklumat penentuan kadar fi yang dikemukakan oleh syarikat/pemohon adalah tidak tepat





Syarikat/pemohon hendaklah memastikan produk yang dimohon terdiri daripada produk siap/ separa siap yang boleh memberi manfaat kepada pengguna selain daripada produk makanan dan minuman, kosmetik, farmaseutikal dan peranti perubatan atau produk yang tidak mempunyai skim pensijilan khusus yang menepati kriteria berikut:

Wujud keraguan pada sumber bahan pembuatan atau ramuan yang berkemungkinan daripada sumber halal atau tidak halal, seperti barangan kulit, bahan pencuci dan penapis air

- Digunakan sebagai bahan bantuan pemprosesan (*processing aids*) dalam proses pengilangan atau pembuatan produk di bawah skim Pensijilan Halal Malaysia seperti *bleaching earth*, tawas dan gas
- Tidak menimbulkan kekeliruan sekiranya dipersijilkan halal
- Tertakluk kepada kelulusan pihak berkuasa berwajib



Keperluan MS 2200-2:2013 *Islamic Consumer Goods-Part 2 : Usage of Animal Bone, Skin, and Hair-General Guidelines*, MS 2565:2014 *Halal Packaging-General Guidelines*, MS 2594:2015 *Halal Chemicals For Use In Potable Water Treatment-Genral Guidelines* (yang mana berkaitan) serta lain-lain perundangan dan peraturan terkini yang dikuatkuasakan oleh pihak berkuasa berkaitan hendaklah dipatuhi



Syarikat/pemohon yang layak memohon skim barang guna adalah ;

- Pengusaha atau pengeluar
- Pengusaha pembungkusan semula
- Pemilik jenama



Keperluan pekerja Muslim hendaklah dipatuhi dan MHMS hendaklah dilaksanakan secara berkesan dengan memenuhi elemen berikut;



INDUSTRI MIKRO

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- IHCS hendaklah dibangun dan dilaksanakan berdasarkan Manual MHMS 2020



INDUSTRI KECIL

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Penyelia Halal berjawatan tetap hendaklah dilantik di premis
- IHCS hendaklah dibangun dan dilaksanakan berdasarkan Manual MHMS 2020



INDUSTRI SEDERHANA & BESAR

- Minimum 2 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Eksekutif Halal berjawatan tetap hendaklah dilantik di setiap cawangan premis
- JKHD hendaklah ditubuhkan bagi premis dan setiap cawangan premis yang mempunyai pengurusan operasi berbeza
- HAS hendaklah dibangun dan dilaksanakan berdasarkan Manual MHMS 2020

PEMBAHARUAN

- Permohonan SPHM hendaklah dilakukan secara dalam talian (*online*) melalui sistem MYeHALAL di www.halal.gov.my/v4
- Permohonan pembaharuan SPHM hendaklah dikemukakan seawal 6 bulan dan selewat-lewatnya 3 bulan sebelum tamat tempoh SPHM
- Permohonan pembaharuan SPHM yang telah tamat tempoh hendaklah dikategorikan sebagai permohonan baharu
- Syarikat/pemohon hendaklah merujuk keperluan pengisian borang permohonan MYeHALAL dan keperluan yang berikut;
 - a) Sebarang penambahan produk tidak dibenarkan
 - b) Sebarang pengemaskinian maklumat berkaitan nama produk dan jenama hendaklah mengemukakan makluman rasmi kepada MUIS
- Ringkasan bahan mentah atau ramuan hendaklah dikemukakan untuk memudahkan pengenalpastian perubahan dalam permohonan pembaharuan dan permohonan terdahulu
- Permohonan yang tidak lengkap serta tidak mengikut skim dan kategori Pensijilan Halal Malaysia yang betul akan ditolak oleh MUIS
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat /pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS

PENAMBAHAN

- Penambahan produk dalam permohonan tidak terbuka untuk skim barang guna

PENGGABUNGAN

- Mana-mana permohonan penggabungan SPHM hendaklah diklasifikasikan sebagai permohonan baharu
- Permohonan penggabungan SPHM yang masih sah atau baharu (jika berkaitan) dibenarkan bagi skim produk makanan dan minuman
- Permohonan penggabungan SPHM hendaklah dikemukakan dalam tempoh 6 bulan sebelum tamat tarikh pensijilan
- Penggabungan SPHM hendaklah melibatkan kesemua produk pada SPHM yang masih sah
- Permohonan penggabungan SPHM hendaklah disertakan bersama surat iringan yang jelas menyatakan butiran permohonan terdahulu
- Prosedur permohonan penggabungan SPHM hendaklah mengikuti prosedur Pendaftaran Baharu
- SPHM yang masih sah hendaklah terbatal sekiranya permohonan penggabungan berkenaan diluluskan oleh MUIS
- SPHM yang telah dibatalkan hendaklah diserahkan kepada MUIS